



Nunatsinni nakorsaaneqarfiup ukiumoortumik nalunaarusiaa 2016

Kapitali 1. Aallaqqaasiut

Ukiumoortumik nalunaarusiami matumani 2016-imi peqqissutsimut tunngatillugu naatsorsueqqissaarnermi kisitsisit saqqummiunneqarput. Peqqissutsimut tungatillugu naatsorsueqqissaarneq Nunatsinni Nakorsaaneqarfimmi suliassani qitiutinneqarpoq. Naatsorsueqqissaakkat Nunatsinni nakorsaaneqarfiup peqqissutsimut tunngasunik nakkutilliineranut Naalakkersuisunillu pisortaqaqfinnillu allanik peqqinnissamut tunngasunik siunnersuinissamut pingaaruteqarluinnarput. Paasissutissat nakorsaaneqarfiup pitsaanerulersinnissaanut minnerunngitsumillu pitsaaliuinernek pilersarusiornissamut pitsaaliuinernullu atorqeersinnaapput. Peqqissutsimut tunngatillugu paasissutissat ilisimatusaatini amerlasuuni pingaaruteqarluinnartuupputtaaq.

Taamaammatt paasissutissanik katersineq, aqqissuussineq, suliaqarneq paasisanillu ingerlatitseqqiineq pingaartinneqaqat. Peqqinnissaqarfimmi paasissutissanik tunniussisussani Nunatsinnilu Nakorsaaneqarfimmi paasissutissarpassuarnik atorsinnaalersitsisussami suliassaavortaaq nukinnik atuinissamik piunasaqaatitalik.

Nunatsinni nakorsaaneqarfiup paasissutissanik nalunaarsuiffiit paasissutissallu katersat makku allaffissornikkut ingerlatarai:

1. Inunngortunik nalunaarsuiffik
2. Toqqutigineqartunik nalunaarsuiffik
3. Nappaatinut tuniluuttunut ilaatigut TB-mut nalunaarsuiffiit
4. Kræftimik nappaatit (kræftimik nappaatilinnut nalunaarsuiffik)
5. Naartuersinnernut naartusinnaajunnaarlunilu suliaritinnernut nalunaarsuiffik
6. Innorluutilinnut nalunaarsuiffik
7. Tarnimikkut nappaatillit pillugit inatsit naapertorlugu pinngitsaaliisummik iliuseqarnernik nalunaarutiginninneq
8. Nakorsarneqarneq pillugu maalaarutit
9. Kalaallit Nunaanni peqqissaasutut sulisinnaatitaanermut uppersaasikkanut nalunaarsuiffik

Skandinaviami, nunani issittuni nunarsuarlu tamakkerlugu suleqatigisartakkat qanimut suleqatigineqarput.

Nunatsinni Nakorsaaneqarfimmit paasissutissat ilaat Kalaallit Nunaanni Naatsorsueqqissaartarfiup nittartagaani (<http://www.stat.gl/default.asp?lang=da>) "Kisitsisaataasivimmi" immikkut paasissutissanik pissarsiffiusinnaasumi

pissarsiassaapput. Nunatsinni Nakorsaaneqarfiup paasissutissaatai allat NOMESCO-p naqitertitaasa ilaanni pissarsiassaapput (<http://nowbase.org/da/publications>).

Ajornangikkaangat 2016-imi paasissutissat ataasiakkaanilu 2015-imi paasissutissat misissueqqissaarnerni oqaatigineqarput. Ilaatigut paasissutissat takutinneqartut suli tutsuiginarsagaanerat naammassivinneqanngilaq kingornalu nalimmassarneqarsinnaallutik.

Nunatsinni nakorsaaneqarfiup suliai allat

Nakorsaanermit tunngatillugu naatsorsueqqissaarnerit saniatigut Nunatsinni nakorsaaneq makkunanga suliassaqarpoq:

- Peqqinnissamut tunngatillugu apeqquutini Naalakkersuisunik pisortaqaqfinnillu allanik siunnersuineq allatigullu ikiorsiineq
- Peqqinnissamut tunngatillugu iliuuserineqartut amigaateqarnerisa maluginiarneqarnissaannik sulissuteqarneq pitsaanngorsaataasinnaasunillu siunnersuuteqarneq
- Peqqissutsimut tunngasut immikkut ittut pillugit pisariaqarpat pisortanik ilisimatitsineq
- Peqqinnissakkut sullissisunut ilitsersuusiorneq
- Peqqinnissakkut sullissisunik paaqqinnittarfinnillu nakkutilliineq
- Napparsimasut Maalaarutaannik Aalajangiisartut suliassaannik piareersaaneq
- Kalaallit Nunaanni peqqissaasutut sulisinnaantitaanermit uppersarsaasiorneq
- Sakiialluummot TB-mut tunngatillugu- ilaatigut pilersaarusioreq iliuusissatullu pilersaarutitik ikorfartuineq ilanngullugit- sulianik immikkut ittunik isumaginninneq.
- Pinerluttoqarsimatillugu nakorsat misissuisarnerannut-, inuttut atugarisat peqqissutsimut sunniutaannut - avatangiisinut eqqiluisaarnermullu tunngasut

Nunatsinni Nakorsaanerup suliassai Nunatsinni Nakorsaaneqarfiup sulinera pillugu Namminersorlutik Oqartussat nalunaarutaanni nr. 7, 15. juni 2017-imeersumi inatsisitigut maleruagassiugaapput.

Nunatsinni Nakorsaaneqarfik aqqissuussaannikkut Peqqissutsimut Nunanillu Avannarlernik Suleqateqarnermut Naalakkersuisup ataani 2018-imilu 5.040.000 mill. koruuninik aningaasartuutissaqartitaalluni immikkut inissisimavoq.

2016-imi atorfeqarsimasut:

Henrik Trykker, Nunatsinni nakorsaaneq
Tania Dyreborg Broberg, allaffimmi fuldmægtigi
Rikke Bruun de Neergaard, peqqissaasutut siunnersorti

Sonja Vestergaard, immikkut siunnersorti
Majken Gundtoft, naatsorsueqqissaarnermik sulialik
Dorthe Paaske Rasmussen, naatsorsueqqissaarnermik sulialik
Charlotte H. Lange, peqqissaasoq

Nuuk, november 2017

Henrik L Hansen